



REPUBLIKA E SHQIPËRISË
BASHKIA SHKODËR

Nr. _____ Prot

Shkodër, më ____ . ____ .2021

Lënda: Kthim përgjigje

E nderuar,

Në vijim të kërkesës Tuaj, drejtuar Bashkisë Shkodër me datë 11.12.2021, Ju informojmë si vijon:

Procesi i integrimit evropian është një proces shumë i rëndësishëm për të gjitha bashkitë në vend, i cili do të sjellë më pranë qytetarët shqiptarë dhe administratën vendore me BE-në, politikat dhe programet e saj. Parë në këtë këndvështrim sigurimi i njohurive mbi BE-në, dhe ngritja e kapaciteteve për përfitimin e fondeve nga programet evropiane janë një instrument shumë i rëndësishëm në këtë proces. Sa më sipër Bashkia Shkodër ka parashikuar në strukturën e saj organizative sektorin e Integrimit Evropian.

Njëkohësisht Bashkia Shkodër ka intensifikuar përpjekjet e saj në drejtim të anëtarësimit në shoqata ndërkombëtare me qëllim zhvillimin ekonomik të vendit, promovimin e trashëgimisë kulturore dhe natyrore si dhe mbrojtjen e mjedisit në bashkëpunim me vende të tjera të Bashkimit Evropian dhe jo vetëm. Informacion e plotë e gjeni të publikuar në faqen e Bashkisë Shkodër, në linkun:

https://www.bashkiashkoder.gov.al/web/Bashkia_ne_proceset_e_integrimit_evropian_1294_1.php

Përsa i përket bashkëpunimit me organizatat e shoqërisë civile, Bashkia ka një traditë të gjatë në këtë drejtim. Një nga objektivat e Bashkisë Shkodër është partneriteti i ngushtë me shoqërinë civile, organizatat jo-fitimprurese, biznesin privat dhe biznesin social në veçanti për ofrimin e shërbimeve shoqërore për shtresat në nevojë. Prandaj Bashkia Shkodër disponon database-in e organizatave të Shoqërisë Civile, e cila perditesohet vit pas viti. Format e bashkëpunimit me shoqërinë civile janë të ndryshme dhe për rrjedhojë procedurat e ndjekura për dhënien e granteve janë disa, përmendim këtu marrëveshjet e bashkëpunimit dy palëshe, transfertën, prokurimin me vlerë të vogël, procedurat e ndjekura me në kuadër të Programit Reload, përjashtimin nga detyrimet tarifore.

Sa më sipër, Bashkia Shkodër u bë pjesë e Programit Rajonal për Demokraci Lokale në Ballkanin Perëndimor (ReLOaD). Ky Program është një iniciativë rajonale tre-vjeçare e financuar me fonde të Bashkimit Europian nga Instrumentet e Asistencës së Para-Anëtarësimit (IPA) dhe zbatohet nga UNDP në gjashtë vende të Ballkanit Perëndimor. Referuar kushteve të Programit ReLOaD, Bashkia Shkodër mori përsipër përgjegjësinë e bashkëfinancimit në masën 22% të vlerës së projektit ReLOaD dhe angazhimin e organizimit të tre thirrje publike (periudhën kohore 2018 – 2020), nga të cilat, dy të parat u financuan nga shuma e alokuar e grantit (fondet e PNUD dhe 22% bashkëfinancimi i bashkisë) dhe thirrja e fundit u financua nga fondet e vetë bashkisë. Të gjitha Thirrjet për projekt propozime u realizohen në zbatim të VKB nr. 69, datë 30.10.2017 për “Miratimin e Memorandumit të Mirëkuptimit ndërmjet Programit për Zhvillim të Kombeve të Bashkuara dhe Bashkisë Shkodër” si dhe miratimin e metodologjisë LOD për financimin e organizatave të shoqërisë civile”.

Duke e konsideruar Metodologjinë LOD si një praktikë e mirë unifikuese, Bashkia Shkodër aplikoi këtë metodologji edhe për vazhdimin e financimit të disiplinave sportive në respektim të ligjit 79/2017 ‘Për Sportin’, i ndryshuar. Paketa është miratuar e plotë në Këshillin Bashkiak. Ky proces është një risi në menaxhimin e disiplinave sportive në Shqipëri. Deri tani janë nënshkruar 11 kontrata me shoqatat sportive të shpallura fituese.

a) Në fushën e shërbimeve sociale

Për herë të parë në Bashkinë Shkodër janë ngritur 12 qendrat komunitare "Për familjen" të shtrira në 5 lagjet e qytetit, në disa njësi administrative si dhe shërbimi lëvizës në njësitë administrative të tjera. Qendrat e Bashkisë Shkodër janë hapura dhe po bashkëpunojmë shumë mirë me donatorët dhe OJF, duke realizuar MoU të cilat janë transparente dhe të aprovuara në Këshillin Bashkiak.

Me qëllim ofrimin e shërbimeve në territor, Bashkia Shkodër ka nënshkruar disa marrëveshje bashkëpunimi me organizata ndërkombëtare, kombëtare dhe vendore, përmirësimin e cilësisë së jetesës së komunitetit. Ndër shërbimet që ofrohen në bashkëpunim me organizatat janë; fuqizimi socio-ekonomik i familjeve në vështirësi ekonomike, shërbimet alternative të kujdestarisë familjare, mbështetja dhe integrimi i personave me aftësi ndryshe, deinstitutionalizimi, ri-integrimi i fëmijëve migrantë apo të rikthyer nga emigracioni, përfshirja sociale për romët dhe egjiptianët, si një shtysë e mirë për integrimin e këtij komuniteti, mbrojtja dhe trajtimi i viktimave të dhunës në familje, buxhetimi me pjesëmarrje dhe përfshirja e qasjes gjinore në buxhetin e Bashkisë së Shkodrës, promovimi i territorit të Bashkisë Shkodër, promovimin e produktit territorial. etj.

Nxitja dhe mbështetja e bashkëpunimit me organizatat e shoqërisë civile në fushën e zhvillimit ekonomik dhe turizmit.

b) BID Shkodra

Bashkia Shkodër në bashkëpunim me AADF (Fondacioni i Zhvillimit Shqiptaro –Amerikan) ka zbatuar projektin “BID Shkodra” përgjatë rrugëve “28 Nëntori” dhe “13 Dhjetori”. Zgjerimi ka konsistuar në shtrirjen e aktivitetit të saj edhe të zonës së rrugës këmbësore “Kolë Idromeno”. Tashmë zona e përmirësimit të biznesit (BID) përbëhet nga rr. 13 Dhjetori – rr. 28 Nëntori – rr. Kolë Idromeno. Nga ky bashkëpunim përfitojnë rreth 120 biznese.

c) Shoqata e Artizaneve

Bashkia Shkodër ka prioritet mbështetjen dhe zhvillimin e biznesit vendor në kuadër të promovimit dhe zhvillimit të artizanatit dhe produkteve territoriale. Në këtë kuadër është lidhur marrëveshja me Shoqatën e Artizanëve e cila ka për qëllim:

- Mbështetjen në organizimin e panairëve, ekspozitave dhe aktiviteteve promovuese sipas kalendarit të miratuar për vitin 2021 të Shoqatës së Artizanëve të Punimeve Artistike të Shqipërisë.
- Përfundimin nga tarifat e përkohshme të Shoqatës së Artizanëve të Punimeve Artistike të Shqipërisë për aktivitetet e organizuara apo në partneritet me Bashkinë Shkodër për promovimin e produktit territorial.

d) Në fushën e turizmit

Organizimi i tryezave konsultative me universitetin, bizneset që operojnë në fushën e turizmit dhe organizatat e shoqërisë civile. Qëllimi i këtyre takimeve është gjetja e rrugëve të bashkëpunimit ndërmjet Bashkisë, universitetit, bizneseve dhe shoqërisë civile për zhvillimin e qëndrueshëm të turizmit në Bashkinë Shkodër. Takimet janë periodike, sipas një kalendarit të përcaktuar dhe organizohen në formën e diskutimit mes aktoreve pjesëmarrës. Objekt diskutimi është mbarvajtja e sezonit turistik, problematikat e hasura në zhvillimin e sektorit të turizmit e më pas sugjerime se si mund të bëhet më mirë.

Së fundi, informacioni i kërkuar nga ana juaj, është lehtësisht i aksesueshëm në faqen web të Bashkisë Shkodër, në linkun mëposhtë:

http://www.bashkiashkoder.gov.al/web/Bashkia_dhe_shoqeria_civile_1206_1.php

Me respekt,

KRYETAR

Voltana Ademi